

[NARRATIO TERTIA]

[9.] Interea, reddita civitate et Turcis deductis Consantinopolim, unde imperator magis magisque gavisus quod civitas reddita sit ejus potestati, jussit maximas eleemosynas erogari nostris pauperibus². Denique

prima die qua recessimus a civitate¹, venimus ad quemdam pontem² ibique mansimus per duos dies. Tercia autem die, priusquam lux cepisset oriri, surrexerunt nos tri et, quia nox erat, non viderunt tenere unam viam, sed sunt divisi per duo agmina et venerunt divisi per duos dies³. In uno agmine fuit vir Boamundus et Robertus Normannus et prudens Tancredus et alii plures; in alio fuit⁴ comes Sancti Egidii et dux Godefridus et Podiensis episcopus et Hugo Magnus comesque Flandrensis³ et alii plures.

Tercia vero die irruerunt Turci vehementer super Boamundum et eos qui cum ipso erant¹. Continuo Turci ceperunt stridere et garrere ac clamare excelsa voce, dicentes diabolicum sonum nescio quomodo in sua lingua⁵. Sapiens vir Boamundus videns innumerabiles Turcos procul stridentes et clamantes demoniaca voce, protinus jussit omnes milites descendere⁶ et tentoria celeriter extendere. Priusquam tentoria fuissent extensa, rursus dixit omnibus militibus : « Seniores et fortissimi milites Christi, ecce modo bellum angustum est undique circa nos. Igitur omnes eant⁷ viriliter obviam illis et pedites prudenter et citius extendant tentoria⁷. »

Postquam vero hoc totum factum est, Turci undique iam erant circumcingentes nos dimicando et jaculando⁸ et mirabiliter longe lateque sagittando. Nos itaque, quamquam⁹ nequivimus resistere illis neque sufferre pondus tantorum hostium, tamen perulimus illuc unanimiter gradum. Femine quoque nostre in¹⁰ illa die fuerunt nobis in maximo refugio, que afferbant ad bibendum aquam nostris preliatoribus et forsitan semper confortabant illos pugnantes et defendentes¹. Vir itaque sapiens Boamundus protinus mandavit aliis, scilicet comiti¹¹ de Sancto Egidio et duci¹² Godefrido et Hugoni Magno atque Podiensi¹³ episcopo aliisque omnibus Christi militibus quod¹⁴ festinent et ad bellum citius approximent, dicens : « Et si hodie luctari volunt, viriliter veniant¹⁵. » Dux itaque Godefridus audax et fortis ac Hugo Magnus simul venerunt prius¹⁶ cum suis exercitibus, episcopus quoque Podiensis prosecutus est illos una cum sua exercitu et comes de Sancto Egidio cum gente magna juxta illos³.

Mirabantur ergo nostri valde unde esset exorta tanta multitudo Turcorum et Arabum et Saracenorum¹⁷ et aliorum quos enumerare ignoro, quia pene omnes montes et colles¹⁸ et omnia plana loca intus et extra undique erant cooperta de illa excommunicata generatione. Facta est itaque sermo secretus inter nos laudan-